

僉立合同人戴進觀戴連觀朱七觀戴雲觀陳阿蛤朱萃觀陳才觀謝瑞觀陳老觀謝祥觀等緣居全處而謀全術蓋國朝首重稼穡而人民當思四書中有土此有財之章緬想我眾等數年以來所衣食不敷者皆由薄瘠園業之不廣是以致之若斯我等爰是集思前年有乙所早園與戴記觀找洗之資是以相商再為新招人數合備佛頭銀捌拾大員正于嘉慶七年十二月間向贖內中十人分做十份均分其東西坐址俱載洗貼大契內此園被沙飛壓尙未盡離茲有先離者各拈鬮為定至異日倘盡飛離者眾等然後再□□我等照鬮管業一團和氣勿有初而靡終誠恐后日紛更是以僉立合同共拾紙乙樣各執為炤

再批明此大契壹紙係戴進觀收存

計開鬮分之處

中埧戴進觀壹(花押)戴雲觀貳(花押)戴進觀參(花押)謝祥觀肆(花押)

又鬮分

西坪湖朱萃觀伍(花押)朱七觀陸号(花押)謝瑞觀柒(花押)陳阿蛤觀捌(花押)陳才觀玖(花押)陳老觀拾(花押)

嘉慶八年十一月初一日

僉立合同人

戴進觀
戴連觀
朱七觀
戴雲觀
陳阿蛤
朱萃觀
陳才觀
謝瑞觀
陳老觀
謝祥觀(花押)

